



INATSISARTUT

## Aningaasaqarnermut Naalackersuisoq

Ulloq: 15. juni 2018  
J.nr.: 01.31.06/18-00797

### Aningaasaqarnermut Akileraartarnermullu Ataatsimiititaliap tallimangornermi ulloq 15. juni 2018-imi aalajangiineranik Naalackersuisunut ilisimatitsineq.

#### Ilasutitut aningaasaliissutissanik qinnuteqaat: Nuugaatsiami Illorsuarnilu innuttaasunut inissianik taartissanik sanaartornissaq agguaanissarlu - Suliaq nr. 01.31.06/18 - 00797.

Naalackersuisut **inassutigaa**,

”Ineqarnermut Attaveqaqatigiinnermullu Naalackersuisoq tunngavissat Najoqqutasiaq 1-imi allattorsimasut naapertorlugit 2018-mi aningaasaliissutit 300.000 koruuninut killiliussat atorlugit taarsiissutissanik akiliinissamut piginnaatinneqassasoq konto pingaarneq 89.72.12 atorlugu Inissialiassat taartissanillu inissialiortiterneq suliassamut nr. 340.39.041 tassaarnerata kingunerisaanik illulianut atorneqartussaneersunik, aamma

- kontomi pingaarnermi 89.72.12 Inissialiassat taartissanillu inissialiortiterneq, suliassamut nr. 340.39.041 Tassaarnerata kinguneranik illuliat, aningaasaliissutit 2018-imi 11,1 mio. koruuninik amerlineqassasut, aamma
- IST-p inernera 2018-imi 11,1 mio. koruuninik ajorseriaateqassasoq.”

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Innuttaasut tunngavissat assigiit atorlugit pineqarnissaat qulakkeerniarlugu, aammalu inisseeqqinnissamut aningaasat naammattusaarnissaat qulakkeerniarlugu, kiisalu Nuugaatsiamiit aamma Illorsuarniit innuttaasorpasuit sapinngisamik ikiorniarlugit, inissianut taartissanut inisseeqqinnissamut tunngavissat ersarissumik ilusilerneqarnissaat Naalackersuisunit pingaartinneqarsimavoq.

Naalackersuisut pisariaqartitat kissaatillu pillugit ataatsimut takussutissianik suliaqarsimapput, paasissutissanik tigussaasunik imalinnik.

Pisut ataasiakkaat immikkut ittumik isummerfigineqarnissaannik pisariaqartitsisoqalernissaa Naalackersuisunit naatsorsuutigineqarpoq, soorlu tassaarsuup nalaani ilaqutariinnut katitigaanikkut allannguuteqarsimasut aamma/imaluunniit innuttaasut ilinniarlutik peqanngitsut eqqarsaatigalugit. Naalackersuisoqarfiup Avannaata Kommunia suleqatigalugu suliata taakununga tunngasut suliariniarpai ikiuunniarlunilu, aammalu inuttut inissisimanermit suliama aningaasaqarnermut killissarititaasut iluanni isummertoqarnissaa qulakkeerniarlugu.

Ataatsimiititaliap paaserusuppaa pisut ataasiakkaat immikkut ittumik isummerfigineqarnissaannik pisariaqartitsisoqalernera pissutigalugu inissianut taartissanut inisseeqqinnissamut tunngavissat avaqqullugit immikkut ittumik akuersisoqarsimansoq?

Taamaattoqarpallu ajornartorsiut qanoq annertuginersoq ataatsimiititaliamit paaserusun-  
neqarpoq.

**Aningaasaqarnermut Akileraartarnermullu ataatsimiititaliap aalajangiinera**  
Siuliani allassimasutut apeqquteqaateqarluni Naalakkersuisut inassuteqaataat Aningaasaqar-  
nermut Akileraartarnermullu Ataatsimiititaliamit **akuerineqarpoq.**

Ikinngutinnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua